

“ТАСДИҚЛАЙМАН”
Давлат харидлари соҳасидаги
шикоятларни кўриб чиқиш бўйича
комиссия раиси
ЭРИ билан тасдиқланган
Атаджанов Муродбек Бекбергенович

Давлат харидлари соҳасидаги шикоятларни кўриб чиқиш бўйича комиссия
йиғилишининг
Р00028 Баёни

Тошкент шаҳри

2023 йил “07” Август

Раислик қилди:

Атаджанов Муродбек Бекбергенович –
Қўмита бошлиғи ўринбосари

Қатнашдилар:

Давлат харидлари соҳасидаги
шикоятларни кўриб чиқиш бўйича
комиссия аъзолари

Давлат харидлари соҳасидаги шикоятларни кўриб чиқиш бўйича комиссия
йиғилишининг қворуми – 84 %

КУН ТАРТИБИ:

Давлат харидлари соҳасидаги шикоятларни кўриб чиқиш бўйича комиссияга
келиб тушган “Med up” МЧЖнинг 2023 йил 27 июндаги 3-061/23 сонли мурожаати.

Комиссия аъзоси С.Маманазаров сўзга чиқиб, мурожаат муаллифи “Med up”
МЧЖнинг мурожаатида кўтарилган масалалар билан иштирокчиларни таништирди.

Мурожаатчининг шикоятида Ўзбекистон Республикаси Президентининг
“Ўзбекистон Республикасида гематология ва трансфузиология хизматларини
ривожлантириш ҳамда онкогематологик ва даволаш қийин бўлган касалликларга
чалинган шахсларни янада қўллаб-қувватлаш чора-тадбирлари тўғрисида”ги 2020
йил 2 октябрдаги ПҚ- 4592-сонли қарори ва Ўзбекистон Республикаси Соғлиқни
сақлаш вазирлиги томонидан жорий йилнинг 26 майдаги 17-14046-сонли хати
ижроси юзасидан “O’zmedimpeks” МЧЖ томонидан 2023 йил учун
марказлаштирилган ҳолда “Тромбоконцентрат сотиб олиш” юзасидан ўтказилган
давлат харидларидан эътирозлари баён этилган.

Хусусан:

буюртмачи томонидан давлат харидларини амалга оширишда баҳолаш
мезонлари бузилганлиги, рақобат ва ҳолислик тамойилларига амал қилинмаганлиги;
танлов ҳужжатларида ноҳалол, рақобатни чекловчи, иштирокчиларнинг ҳуқуқлари
ва қонуний манфаатларини бузган ҳолда талаблар қўйилганлиги;

“Med up” МЧЖ Haemonetis корпорациясининг (АҚШ) расмий дистрибьютори хисобланиши, 2022 йилда жамият Ўзбекистон Республикаси Соғлиқни сақлаш вазирлиги Давлат қон қуйиш хизматиға бепул асосда умумий қиймати (6,6 млрд.) шу турдаги жихозлар етказиб берганлиги;

мурожаатчи томонидан буюртмачига махсулотлар анча паст нархларда яни 2 900 000,00 сўм (263 евро) дан таклиф этилганлиги; соғлиқни сақлаш соҳасини ривожлантириш, шунингдек, Оролбўйи минтақасини ривожлантириш мақсадида жамият томонидан хорижий инвестор жалб этилганлиги ва жамият бу соҳада илғор тажрибаларга эга эканлиги; жамият томонидан ушбу турдаги махсулотларни ўзбекистон ҳудудида ишлаб чиқариш учун сай-ҳаракатлар олиб борилаётганлиги;

танлов ҳужжатларида ноҳалол, рақобатни чекловчи, иштирокчиларнинг ҳуқуқлари ва қонуний манфаатларини бузган ҳолда талаблар қўйилганлиги баён қилинган.

Маълумот учун: Комиссия ишчи органи томонидан 17.07.2023 йилда Ўзбекистон Республикаси Соғлиқни сақлаш вазирлигига мурожаатда келтирилган масалаларга асосли тушунтириш ва маълумотлар тақдим қилиши бўйича мурожаат йўлланган ва Соғлиқни сақлаш вазирлигининг топширигига асосан “O’zmedimpeks” МЧЖдан 2023 йил 19 июлда 07-04610-сон билан жавоб хати олинган.

Ушбу жавоб хатида:

Ўзбекистон Республикаси Президентининг “Ўзбекистон Республикасида гематология ва трансфузиология хизматларини ривожлантириш ҳамда онкогематологик ва даволаш қийин бўлган касалликларга чалинган шахсларни янада қўллаб-қувватлаш чора-тадбирлари тўғрисида”ги 2020 йил 2 октябрдаги ПҚ-4592-сонли қарори ва Ўзбекистон Республикаси Соғлиқни сақлаш вазирлиги томонидан жорий йилнинг 26 майдаги 17-14046-сонли хати (илова қилинади) ижроси юзасидан “O’zmedimpeks” МЧЖ томонидан 2023 йил учун марказлаштирилган ҳолда “Тромбоконцентрат олиш учун сарфлов воситалари” хариди амалга оширилганлиги;

тромбоконцентрат олиш учун сарфлов воситалари тиббий буюмининг техник топшириқлари соғлиқни сақлаш вазирлиги томонидан тасдиқланганлиги;

ушбу харид Ўзбекистон Республикаси Президентининг 2018 йил 27 сентябрдаги ПҚ-3953-сонли қарorigа асосан белгиланган тартибда ўтказилганлиги; “O’zmedimpeks” МЧЖ томонидан ушбу сарфлов воситаларининг харидини амалга ошириш учун 2023 йил 26 май куни жамиятнинг ва Соғлиқни сақлаш вазирлигининг расмий веб сайтларига жорий йилнинг 2 июнига қадар белгиланган тартибда эълон жойлаштирилганлиги;

эълон натижасига кўра, иштирокчилар томонидан тақдим этилган таклифлар махсус корпоратив электрон (PP4592PZRR@uzmedimpex.uz) почтага жами 2 та корхона томонидан таклифлар келиб тушганлиги;

келиб тушган таклифларнинг техник курсаткичларини баҳолаш учун Республика ихтисослаштирилган Гематология илмий-амалий тиббиёт марказининг малакали-тажрибали мутахассисларидан иборат экспертлари жалб этилганлиги ва белгиланган тартибда келиб тушган таклифлар асосида тақдим этилган сарфлов воситаларнинг техник курсаткичларини баҳолаш ишлари амалга оширилгани ва “Med Up” МЧЖдан келиб тушган таклифлар техник талабларга мувофиқ эмас деб топилганлиги;

“Med Up” МЧЖнинг жорий йилнинг 27 июль 3-061/23 сонли хатида кўрсатилган техник топшириқдаги барча параметрлар “Terumo” ишлаб чиқарувчининг маҳсулотларига “мослаштирилган” деган даъволари бўйича “O’zmedimpeks” МЧЖ Соғлиқни сақлаш вазирлигининг ишчи органи ҳисобланиши, эҳтиёжни аниқлаш ҳамда унинг техник вазифаларини ишлаб чиқишда бевосита иштирок этмаслигини маълум қилинган.

Йиғилиш якунида Соғлиқни сақлаш вазирлиги мутахассислари сўзга чиқиб:

Соғлиқни сақлаш тизими томонидан ушбу харид қилиш тартиб таомиолларини ўтказишнинг асосий мақсадларидан бири беморларга сифатли хизматлар кўрсатиш мақсадида сифатли маҳсулотларни танлаш эканлиги;

Мурожаатчи билан аввал ҳам бир нечта шартномалар тузганлиги;

аввалги шартномаларга асосан мурожаатчи томонидан аксарят ҳолларда сифатсиз маҳсулотлар етказиб берилганлиги ва бошқа вазиятларни маълум қилишди.

Йиғилиш давомида таклиф этилган вакиллар томонидан билдирилган фикр ва ахборотлар Комиссия аъзолари томонидан тўлиқ тингланди.

Кун тартибидаги масалаларни кўриб чиқиб, Комиссия раиси қарор қилади:

“Med up” МЧЖнинг мурожаатида келтирилган вазият ўз тасдиғини топмаганлиги, шунингдек давлат харидини бекор қилиш тўғрисида қарор қабул қилиш учун етарли асослар мавжуд бўлмаганлиги сабабли шикоятни қаноатлантириш рад этилсин.

Мурожаатчига давлат буюртмачисининг ҳаракатлари (ҳаракатсизлиги) устидан суд тартибида шикоят қилиш ҳуқуқи тушунтирилсин.

Комиссия аъзолари:

Алиев Тофиг Али угли	ЭРИ билан тасдиқланган
Жўраев Абдулло Насрулла ўғли	ЭРИ билан тасдиқланган
Бўранов Шухратжон Арзимурадович	ЭРИ билан тасдиқланган
Номозов Жамшид Ғиёс ўғли	ЭРИ билан тасдиқланган
Маманазаров Султонбек Шодикулович	ЭРИ билан тасдиқланган
Махкамов Рустам Хусниддинович	ЭРИ билан тасдиқланган
Ubaydullayev Avaz Baxtiyarullayevich	ЭРИ билан тасдиқланган

Камилов Мирзохид Зафаржанович

ЭРИ билан тасдиқланган

Шукуров Умидбек Иноят ўғли

ЭРИ билан тасдиқланган